

Ilinniartitaanernut Inuussutissarsiutinullu siunnersuisarnej pillugu Inatsisartut inatsisaannik allanngineq pillugu Inatsisartut inatsisissaattut siunnersuut nr. xx, xx.xxx 2018-imeersoq

(Ilinniartitaanermit, Kultureqarnermit, Ilageeqarnermit Nunanullu Allanut Naalakkersuisoq)

Akissuteqaat

Aappassaaneernejqarnera

Naalakkersuisut Kultureqarnermit, Ilinniartitaanermit, Iisimatusarnermit Ilageeqarnermullu Ataatsimiititaliap sulisimaneranut isumaliutissiissuteqarneranullu qujapput.

Naalakkersuisut piffissaq manna iluatsilluguttaaq Ataatsimiititaliaq aqqissuusseqqinnermik suliaqarnermit atatillugu soqutiginninneranut nersualaarinnipput.

Inatsisartut inatsisaanni atuuttoq malillugu ilinniagaqarnej inuussutissarsiuteqarnerlu pillugit ilitersuinnermik suliaqarallartussamik kommunit atorfinitsitsinerannut atatillugu piginnaasassatut piumasaqaatinut tunngatillugu Ataatsimiititaliaq apeqquteqarsimavoq. Inatsisartut inatsisaanni § 12, imm. 2, naggatip aappaani oqaaseqaatit Ataatsimiititaliamit ima paasisassaasut oqaatigineqarpoq, ilitersuisumik atorfinitsitsinissamut atatillugu qinnuteqartoq naleqquttumik ilinniagaqarsimatinnagu kommunit immikkut ittumik akuerineqassanngitsut. Naalakkersuisut taamatut paasinninnermit isumaqataanersut Ataatsimiititaliaq paasiniaarlugu nassuiaasioqqusivoq.

Tassunga atatillugu § 12, imm. 1, naggat siulleq piginnaasassatut piumasaqaatinut tunngatillugu Inatsisartut inatsisaata pingaarnersarimmassuk Naalakkersuisut aallarniutigalugu oqaatigissavaat.

Kisianni inummik ilitersuisarnermi allaanerusunik piginnaasaqartumit, soorlu naleqquttumik inuussutissarsiornikkut misilittagaqareersimasumit ilitersuisarnerup ingerlanneqarallarsinnaanera § 12, imm. 2, naggatip aappaani pineqarpoq.

Aammattaq taamaattoqarpat § 12, imm. 2, naggatip aappaani allassimasutut inuit ilinniarnermik naleqquttumik ilinniarusunnarsut paasiniaarlugit kommunit qanoq uppersaanissaat naatsorsuutigineqassanersoq Ataatsimiititaliamit apeqqutigineqarsimavoq. Pineqartup Naalakkersuisunit akuerisaasumik ilinniartitsinnermik ilitersuisarnermillu ilinniarnissamut akuerineqarsimaneratigut tamanna uppersarneqarsinnaavoq. Atorfinitsitsinnermit atatillugu pineqartup ilinniakkamik taamaattumik aallartitsiumaarnaranut tunngatillugu isumaqatigiissusiornikkut aamma atorfinitsitsinnermi oqartussat uppersaasinnaapput.

Taakku saniatigut inatsimmut nassuiaatini 2013-imeersumi ”piffissap ilaani” qanoq paasisassaanersaq erseqqissumik nassuiaqqullugu Naalakkersuisut Ataatsimiititaliamit qinnuigineqarput. Nassuiaatit oqaasertaliornerannut tunngatillugu oqaatigineqartut Naalakkersuisut ima paasivaat pineqartup erniinaartumik ilinniartitsinermik ilitersuisarnermillu ilinniakkamik aallartitsinissaa piunasaqaataasoq, taamaammallu matuma kingorna ilinniartitaanissamik piunasaqaatit piffissap ilaani naammassineqarnissaat naatsorsuutaasoq.

Tamatuma saniatigut siunnersuummi § 18, imm. 1, nr. 8-mut tunngatillugu siunnersuummi nr. 8-p iluarsineqarnissaa siunertaralugu Ataatsimiititaliap isumaliutissiissutimini taasai naapertorlugit Naalakkersuisut allannguutissatut siunnersuummik suliaqarsimapput. Tamatumalu saniatigut allannguutissatut siunnersuummi inatsisip pingaarnertut quleqataata kalaallisuuani kukkusup iluarsineqarnissaa siunertarineqarpoq.

Ataatsimiititaliap oqaasii Naalakkersuisut tusaatissatut tiguaat. Allannguutissatut siunnersuummi allannguutit imarisaasa inaarutaasumik akuerineqarnissaat siunertaralugu oqaatigineqartut tunngavigalugit siunnersuut pingajussaaneerseqassasoq Naalakkersuisut inassutigaat.